



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«13» 08 2020թ.

ք. Երևան, Ս. Դավթի 87Ա

ՈՐՈՇՈՒՄ N 2046-Մ

ՎԱՐՉԱԿԱՆ ԱԿՏԸ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով ֆիզիկական անձ Էոնեստ Արթուրի Եղիգարյանի վերաբերյալ վարչական վարույթի նյութերը

ՊԱՐԶԵՑԻ

Համաձայն հարկային պարտավորությունների հաշվարկման վերաբերյալ տեղեկանքի ֆիզիկական անձ Էոնեստ Արթուրի Եղիգարյանի (ՀՎՀՀ 23252162, ՀԾՀ՝ 2712990684, հասցե՝ ք. Երևան, Էրեբունի թաղ. Արցախի փ. 14Գ 2.6) չկատարված հարկային պարտավորությունը 03.10.2019 թվականի դրությամբ կազմել է 51.546 դրամ, որից ապառք՝ 45.900 դրամ, տույժ՝ 5.646 դրամ, որն առաջացել է ֆիզիկական անձի կողմից 2018 թվականին շարժական գույքի օտարման գործարքի արդյունքում և ՀՀ հարկային օրենսգրքի (այսուհետ՝ Օրենսգրք) 401-րդ հոդվածի համաձայն հաշվարկված տույժերից:

Վերոնշյալ պարտավորությունը գանձելու վերաբերյալ 15.11.2019 թվականին կայացվել է թիվ 2046-Ա որոշումը:

Օրենսգրքի 140-րդ հոդվածի համաձայն՝ ֆիզիկական անձը, հանդիսանալով եկամտային հարկ վճարող, նույն օրենսգրքի 156-րդ հոդվածի 4-րդ մասի 2-րդ կետի համաձայն պարտավոր է մինչև յուրաքանչյուր հաշվետու ժամանակաշրջանին հաջորդող հարկային տարվա ապրիլի 20-ը ներառյալ Օրենսգրքի 53 հոդվածով սահմանված կարգով հարկային մարմին ներկայացնել Օրենսգրքի 151-րդ հոդվածի 3-րդ մասով սահմանված եկամուտների մասով եկամտային հարկի տարեկան հաշվարկ և վճարել դրա արդյունքում առաջացող հարկային պարտավորությունների գումարը՝ համաձայն Օրենսգրքի 158-րդ հոդվածի 2-րդ մասի 2-րդ կետի:

Հաշվի առնելով այն հանգամանքը, որ չկատարված հարկային պարտավորությունը գանձելու վերաբերյալ 15.11.2019 թվականի թիվ 2046-Ա որոշումը կայացնելուց հետո ֆիզիկական անձ Էոնեստ Արթուրի Եղիգարյանի կողմից ներկայացվել է եկամտային հարկի և սոցիալական վճարի 2018 թվականի տարեկան հաշվարկ, ուստի առկա են բավարար հիմքեր հարկային պարտավորությունների հաշվարկման վերաբերյալ տեղեկանքի հիման վրա 15.11.2019 թվականին կայացված թիվ 2046-Ա որոշումն ուժը կորցրած ճանաչելու համար:

Ելնելով վերոգրյալից և ղեկավարվելով ՀՀ վարչարարության հիմունքների և վարչական վարույթի մասին ՀՀ օրենքի 66-րդ հոդվածի 2-րդ մասով

ՈՐՈՇԵՑԻ

Ֆիզիկական անձ Էոնեստ Արթուրի Եղիգարյանի վերաբերյալ ՀՀ ՊԵԿ իրավաբանական վարչության պետի կողմից 15.11.2019 թվականին կայացված չկատարված հարկային պարտավորությունները գանձելու մասին թիվ 2046-Ա որոշումը ճանաչել ուժը կորցրած:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

Կար.՝ ԻՎ ՀԳ և ՊԿԱ բաժնի
գլխավոր մասնագետ, Մելանյա Մաթևոսյան,
Հեռ. 011549191 /91-65/



ԱՐՄԱՆ ՄՆԱՑԱԿԱՆՅԱՆ



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am